

嘉慶寧國府志

寧國府志卷十二

輿地志

鄉都

街巷市鎮附

案唐開元間宣州鄉一百六十七元和間一百九十五此
見於元和郡縣志者統一州之鄉言之也宣城縣宋舊二
十四鄉太平興國間一十五鄉元豐間二十三鄉南陵縣
舊二十三鄉太平興國至元豐間八鄉涇縣舊十七鄉元
豐間一十一鄉寧國縣舊二十二鄉太平興國至元豐間
十五鄉旌德縣本唐永泰初割太平縣九鄉所置故舊九
鄉元豐間七鄉太平縣舊八鄉元豐間九鄉分見於太平

寰宇記元豐九域志者如此嘉靖府志載宣城宋十四鄉
南陵九鄉不知何時增減鄉所管曰社元易社爲都其餘
鄉名及數歷代相沿

國朝亦因明舊間有廢置更易俱詳各鄉之下

宣城縣

領鄉十三統都五十一里二百二十三

清流鄉一都至五都凡一十八里 鳳林鄉六都至十都凡

一十四里 昭亭鄉十一都至十七都凡四十一里

昭亭元 崑山鄉十九都至二十三都凡一十八里

昭亭省 射亭鄉二十四都至二十六都凡二十一

水蕩嘴凡七里

今焦村灘是

舊有十都

宋有上昭亭下

里 嘉禾鄉二十七都至二十九都凡一十七里 四望鄉

三十都至三十一都凡一十四里 興賢鄉三十二都至三

十六都凡一十九里 千秋鄉三十七都至三十九都凡一

十一里 長安鄉四十都至四十三都凡一十七里 仁義

鄉四十四都至四十七都凡一十里 宣義鄉四十八都四

十九都凡三里 留愛鄉五十都五十一都凡七里

坊六 里之在城者曰坊 東北隅二坊 西北隅一坊 東南隅二

坊 西南隅一坊 以上乾隆府志

城坊內外街巷九十一

城中 上市街 豆粉巷 湯家湯 有司成舊第 佑聖閣街 察

院街

梓城街

卽錦城街

奉公街

卽府前街

縣前街

蔡家巷 茶葉巷

東門城內

木直街

寺前街

卽景德寺街

朱衣巷

有徐尚書故第

花影巷

毛渣巷

塔陰巷

一名長春巷

孫家巷

卽在市街孫氏忠倫兄

弟宅後故名昌有東西二巷其二巷由豆粉巷通至縣前墳塞今尚存半巷

東門城外

東頭街

自下坊口至觀音閣

南街

卽太守陳子將舊里

魏家巷

迎春巷

後街

天字街

形如天字故名

草巷

乾魚行口

衛城街

古中州

小東門城內

倉直街

軍儲倉前

羊市巷

九曲巷

倉塘巷

沙巷

茶峽巷

月井巷

柴家巷

梧桐巷

近聖街

小東門城外

野牧街

較場巷

薛家巷

官巷

南門城內

銀錠街

舊自城門口通至城隍廟前結桑文廟外垣街形圓如銀錠今亦謂之新路曰

新街頭

鹿巷

古秀才巷

在郡學後

近儒巷

俗名杏樹巷

荷

蘆井岩

獅子巷

有吳潛狀元坊題曰二相舊第

南門岩

宋吳丞相村居

西坂

頭東坂頭

送子岡

陽坡山

迎聖街

老虎巷

南門城外

永寧街

即城外大街

廟岡頭街

有張雕陽祖殿

顏家橋

西門城內

西直大街

詹家巷

俗名頁家巷

奎星巷

岳廟

巷萱花巷

溝沿頭

自吳家書樓至陸家牌坊

軍民巷

俗名軍營巷

深

淵巷

巷有古井

濮家井

桂花園

孫家花園

係黃門孫襄榜眼孫卓舊第

高巷

低巷

里仁巷

巷內有孫氏古井井衣係八角整石郡內諸井所無

殷家塘

西門城外

前街

後街

北門城內 迎恩街 即城內大街 賢孝里 里門有劉銀賢孝坊 孝義巷

巷內有吳節婦祠 臨闕里 里門有湯資尹題額

北門城外 北直大街 東頭灣 自城門口至和合廟 西頭灣 自大街至

城河沿 西頭巷 在城傍 半邊街 自興國寺至楊四廟 盧家巷 詹家

巷 三元巷 在文星樓傍 別士橋 楊四廟 文星樓 以上採訪冊

按嘉靖志城內巷凡三十四曰高家巷曰詹家巷曰長春

南巷曰長春北巷曰寧節巷曰紀家巷曰岳廟巷曰邵婆

巷曰陳七公巷曰鐵牛門巷曰九曲巷曰新街巷曰東介

門巷曰史家巷曰唐家巷曰勾欄巷曰儲家巷曰何七公

巷曰傅家巷曰宋家巷曰申家巷曰鹽倉巷曰尚文北巷

曰樓驚巷曰樊濟廟巷曰杏樹巷曰方家巷曰夏婆巷曰
趙家巷曰上夏家巷曰院子巷曰謝家巷曰黃家巷曰鹿
巷 城外巷凡四十五曰延禧巷曰觀旅巷曰祇園巷曰
司警巷曰新市巷曰醋庫巷曰冬青巷曰李王廟巷曰陸
家巷曰孔家巷曰黃城巷曰官井巷曰經坊巷曰張家巷
曰梧桐巷曰方家巷曰糖坊巷曰灘子門巷曰瓦子巷曰
水巷曰栢枝巷曰紗張巷曰田家巷曰麻家巷曰浴堂巷
曰鹽鐵廟巷曰楊家巷曰黃栗巷曰八角井巷曰花巷曰
柴水步巷曰牛馬巷曰通遠巷曰單家巷曰樂營巷曰水
塔寺巷曰石盆寺巷曰竹街巷曰樊師巷曰道堂巷曰施

家巷曰錢家巷曰孫家巷曰五通廟巷曰鐵冶巷其地與名俱不可考以其為古制也特附記之

遠近市鎮二十一

符復窯水陽城子務三鎮

元豐九年城志

水陽鎮在縣北七十里

方輿紀要

與高涼縣接界

設有巡司兌軍倉及義倉皆

在此

大清縣志

南通志云城大溪

符裏鎮在縣東北五十里

方輿紀要

作八

蓋即宋之符復鎮也

大清縣志

黃池鎮在縣北一百一

十里

方輿紀要

唐大順二年孫儒寇江南楊行密將田頌

引兵邀之於黃池即此

大清縣志

與常寧接界有巡司戍守

灣

江鎮在縣西北八十里壽弋江所經也今為鹽埠鹽艘勝集

商販輻輳

採 大清一統志 江南通志合纂

案市鎮一門乾隆府縣志皆不載今據宋明諸書及 大清一統志江南通志備登之以徵古制其或古有而今無或古無而今有者悉載之用資採訪

東鄉東溪鎮距城七里雙橋鎮距城十里 高橋坊距城二

十五里 孫家埠距城三十里 沈村埠距城四十里 洪

林橋距城五十里 水東距城六十里 西鄉寒亭鎮距城

四十里 紅楊樹鎮距城五十五里 方山鎮距城六十里

青弋江鎮距城六十里

郎南陵縣界

西河鎮距城七十里

北鄉油榨溝鎮距城三十里 陳村灣鎮距城三十五里

新河庄鎮距城五十里 東門渡鎮距城六十里 灣沚鎮

距城七十里 黃池南岸鎮距城九十里 二鎮里數與一統志通志小有參差

而採訪爲得其實故詳載之 水陽鎮距城七十里 南鄉楊柳鋪鎮距

城四十里 柿木鋪鎮距城六十里 以上採訪冊

南陵縣

領鄉九統都三十七里八十一

下長林鄉一都至五都凡九里 上長林鄉六都至十都凡

六里 智信鄉十一都至十四都凡四里 進德鄉十五都

十六都凡五里 再淳鄉十七都至二十一都凡七里 澄

清鄉二十二都至二十七都凡六里 梅根鄉二十八都至

三十二都凡一十五里 金陵鄉三十三都金三十四都凡

九里 新美鄉新三十四都至三十七都凡二十里

坊四 仁義坊第一 太平坊第二 積善坊第三 建賢

坊第四 以上乾隆府志雍正縣志

城坊內外街巷三十

大南街在縣署前南至白鵲樓由醴泉亭畢家橋出南門

西街東由大南街口接前街西由武廟前出西門達蠶塘橋

新壁街南接西街北接香由寺東屬四號西屬三號 半

壁街西門外東接蠶塘橋西北通戴塘橋達扶江大路 前

街西由大南街口接西街東接縣學至橫街 後街西接縣

署東接縣學 橫街西南接縣學北轉東至市橋張公祠春
穀書院坐北街 正街西接市橋東接十字街吳公祠工山
行宮坐街北 十字街東接東街西接正街南接小南街北
接北街 東街西接十字街東由華光殿出城東至迎春殿
達府治大路 小南街北接十字街南接沈家巷舊有天馬
門俗名小南門故名南轉西至降福殿崇教寺等處接竹青
巷 北街南接十字街北接丁字街 丁字街南接北街北
至城北門孝感祠在街東西接玉帶橋貞烈祠城隍廟舊察
院基在街北 新街東接玉帶橋西接籍山縣丞署太學會
館基在街北 八字街北門外過惠民橋至三官殿達蕪湖

大路晏公殿八蜡廟千佛庵文昌宮坐街西東接龍會橋厲

壇坐街東 香由巷南至前街北至後街 穆家巷北接前

街南至河 春穀書院巷南接橫街北至新街舊名察院巷

竹青巷俗名市橋巷北接正街南轉東至崇教寺火神殿

街 陶家巷東接姚家巷西接竹青巷 嚴家巷南接正街

北接丁字街 姚家巷東接葉家巷西接陶家巷 葉家巷

東過小南街接羅紫巷西接姚家巷 沈家巷北接小南街

南至城

雍正縣志載舊有天馬門教諭湯原清謂係文明之
地利於學校昔開時是科有獲雋者而乾隆府志不

載茲附識
之以俟考

羅紫巷東至城隅西過小南街接葉家巷 方

家巷南對華光殿接東街北轉張家巷達北街 張家巷西

接北街東由方家巷達東街 蘇家巷東門外西達通津橋

東北達西河大路 孫家巷西門外北接西街南通孫家橋

繁昌巷北門外東接八字街西達繁昌大路

以上採訪冊

遠近市鎮一十三

鵲頭鎮在縣西一百一十里卽春秋時楚伐吳敗于鵲岸是

也沿河八十里有鵲尾洲吳時屯兵處

元和郡縣志

鵲嶺鎮在

縣南二十五里鵲嶺下

方輿紀要作在縣東二十里

明洪武二十八年置

巡司嘉靖二十年遷趙冲舖北去鵲嶺十五里十三年又遷

于縣南六十里新店舖萬曆十一年復遷故趾今又名戕嶺

鎮

大清統志

清弋江鎮在縣東三十里

通志

馬家園鎮在

縣東北五十里 丁山鎮在縣西七十里 麻橋鎮在縣西

北二十五里 工山坊鎮在縣西北二十里路達銅陵繁昌

牧家亭鎮在縣西北四十里北達荻江西達銅陵 三里

店鎮在縣南四十里南達青陽 馬仁渡鎮在縣北三十里

黃墓渡鎮在縣北四十里 許村埠鎮在縣北四十五里

奎潭鎮在縣北七十里 以上採訪冊

涇縣

領鄉十一統都三十二里七十

石門鄉 原分上下鄉至和元年併 曹溪溪頭丁溪三都凡四里 舊有太平都今入修

德鄉 修德鄉北亭太平張香三都凡四里 舊有新豐都今入豐登鄉 安

豐鄉原名禮遜鄉豐東長樂禮辭三都凡七里舊有思齊都今入冠蓋鄉

冠蓋鄉原名永定鄉永定思齊花林茂林四都凡九里正

十二年知縣阮彩請增永寧都永寧乾隆縣志作永盛震山鄉原名龍山鄉九都至

十二都凡九里康熙二十七年知縣傅澤洪請增懷恩都豐登鄉原名豐樂鄉嘉靖七年改

新豐洪村浙南三都凡三里舊有張香都今改新豐義上鄉田中水

南二都凡五里仁義鄉岸前雙浪泉北三都凡九里由

道鄉原名宣陽鄉宣陽里仁二都凡二里丹山鄉溪上書

東溪丁三都凡六里德義鄉原名義下鄉嘉靖七年改上連大成二都

凡七里

坊五東隅三坊南隅一坊西北隅一坊採嘉靖府志乾隆志合纂

城坊內外街巷十有六

由東西街達者東城之南曰詹家巷 又南曰牌山巷通南

街 北曰九甲巷至宣陽觀前通橫街 稍西南曰王家巷

出王家坦 又西南曰衙前巷 又西曰道士湖巷俱通牌

山巷 西城之北曰左家巷西抵相提坊北接楊樹灣 共

南曰花井巷西達倉巷抵南街之鍾秀坊 由南北街達者

南城之西曰賞溪巷臨大河道上湖水出處 東曰方家巷

過黃金坦通花井巷 稍北東曰倉巷 西城之北東曰文

昌巷 由橫街達者西曰觀前巷 折而南曰華家巷 小

東門城外曰姚家巷 南城外曰上坊口巷

以上新縣志

遠近市鎮二十一

蘭石鎮在縣東南七十里

方輿紀要

官莊市在縣南二十五里

舊岳武穆公有莊在其側遂日之曰莊房廊屋廬相去三四

里人烟繁盛商旅阜通其會常在子午卯酉之日而官莊居

其中

嘉靖府志按舊志云今廢無存

藤溪市在縣東五十里市居房廊

元係管進士剏造七日一會其會必在寅申之日商旅輻輳

貿易貨財極爲民便有坊一所居市之中昔王荆公爲江東

憲經過於此有詩一聯云曉渡藤溪霜落後夜過疊嶺月明

中

嘉靖府志按舊縣志作縣東六十里柳橋河側通旌歛孔道

麻園市在縣北二十里

常南陵官道有永安坊居其間故縣尉王鑑創立初以寅申

已亥日爲會農商貿易者赴焉今墟落蕭條不復會矣按舊縣志

王縣尉相傳王公市在縣北三十里賀堂山之下其墟市爲王導之後

廬舍大抵呂氏居其大半每日爲市農商貿易者赴焉而錢

市特盛云俱嘉靖府志桑坑鎮在縣東北五里舊縣志作十里桑坑山

下元置巡司尋移於縣東巧坑又移於縣北雞子嶺明洪武

中改建於縣東南茹麻嶺口大清稅志

按各書所載市鎮里數遠近不同當以縣志爲得其真

赤灘鎮在縣東北十五里大清通志舊縣志同馬頭鎮在

縣東北三十里下臨大溪商舟聚集黃沙鎮在黃沙嶺下

方輿紀要云在縣東六十里武德六年舒州總管張鎮周擊輔公祏將陳

當世於猷州之黃沙破之卽此俱同下坊鎮在耿姥渡口

江南通志云有河東河西二處舊縣志枚回鎮未詳其處隋

唐時鎮也隋義寧七年行軍副總管權文誕破輔公祏之黨

於猷州拔其枚洞等四鎮南陽鎮在縣西南九十里桃花

潭上章家渡鎮在縣西四十五里漆林渡西岸爲石太二

邑水陸要道有坊曰西來一鎮晏公堂鎮在縣東十五里

石山舖白花鎮在縣東五十里爲旌欽孔道

國初土賊竊發副總李岐山駐軍於此事平仍鎮宣城撥兵守之

又曰白花營安吳市在縣西五十里落星潭東卽舊安吳

縣址今爲村落琴溪市在縣北二十里琴高山側三坦

市在烏溪縣東三十里 浙谿市在縣東七十里與旌德交界處 馬渡橋鎮在縣東六十五里藤溪市南 張家市在縣西四十五里張家渡口今廢於水俱同
按涇縣市鎮較他縣爲多今用方輿紀要嘉靖府志以考古 大清一統志江南通志及舊縣志以証今參互考訂亦足見輿地志之一斑云

寧國縣

領鄉十五統都四十二里六十

雞山鄉一都四十一都四十二都距城十五里凡三里 寧仁鄉二都三四都寧四十都距城二十五里四十里凡五里

按舊志尚有香三十九都寧三十九都與香城鄉複今從採訪冊刪正

蘆城鄉四都一箇二

箇五都六都七都距城八十里凡六里

按舊志五都下尚有二箇二箇六都作六

十都今從採訪冊刪正

慕信鄉八都九都十都距城一百里凡二里

按舊志缺十都今從採訪冊補入

懷遠鄉十一都十二都十三都一箇二

箇三箇距城百二十里凡四里 岳山鄉十四五都十六都

一箇二箇距城百一十里凡三里 仁德鄉十七八都距城

百里十九都距城五十里凡二里 懷安鄉二十都二十一

都二十二都距城三十里凡三里 寧國鄉二十三都二十

四都雲三十三都寧三十三都距城五六十里凡四里 安

樂鄉二十五都二十六都距城百里百三十里凡二里 徽

慶鄉二十七都二十八都一箇二箇距城八九十里凡三里

崇信鄉二十九都三十都距城九十里百里凡二里 雲

門鄉三十一都三十二都一箇二箇距城八十里凡二里

延福鄉三十四都一箇二箇三箇三十五都一箇二箇三箇

三十六都一箇二箇三箇距城三十里凡十里

按舊府縣志三十四都內

有三四箇三十五都內有四箇三十六都內無二箇有一四箇今從採訪冊訂正

香城鄉三十七

都一箇二箇三箇四箇距城四十里三十八都香三十九都

香四十都距城三十里凡六里

按舊府縣志三十七都內無二箇有一三箇又有寧三十

九都香四三十七都無香四十都今從採訪冊訂正

按舊府縣志不載各鄉距城道里遠近今從採訪冊補入

坊三 一箇一坊 二箇一坊 三箇一坊 以上舊志

按舊縣志縣又畫爲四區東西南北各一縣令馬改爲仁

義禮智等里

城坊內外街巷一十

東營街在城東門內 西營街在城西門內 南營街在城

南門內 中正街在城西門外 即西街 橫街南通長春門北

通朝京門 九世墩在城西門外 夫子巷在南營街東

仙井巷在南營街西 前巷在中正街前 後巷在中正街

後 即古槐里 楊家巷在橫街西 以上採訪冊

遠近市鎮十四

湖樂鎮在縣西一百一十里方輿紀要 大清一統志 江南通志俱作在西南九十里

有巡檢司舊縣志杜遷鎮在縣西北三十里今有杜遷舖蓋

卽故鎮爲名大清一統志 按宋元豐九域志亦載此鎮嶽山鎮在縣東南五

十里方輿紀要 作六十里舊置嶽山下地名何弄塢明洪武中遷於紐

口東去舊所二十里嘉靖三十二年復移於石口鎮仍曰嶽

山巡司大清一統志河瀝溪鎮在縣東五里江南通志五河渡鎮

在縣北十里同上港口鎮在縣北三十里同上東芹鎮在縣

西五十里同上蟠龍舖鎮在縣西四十里 梅林鎮在縣東

三十里 吳嶺鎮在縣東五十里 墩上鎮在縣東六十里

獅橋鎮在縣東八十里 朱橋鎮在縣東九十里 雲梯

鎮在縣東一百二十里

俱舊縣志

旌德縣

領鄉七統都二十二里四十四

進賢鄉一都至四都凡四里

進坊附

招賢鄉五都至十都凡

七里

招坊附

柳山鄉十一都至十三都凡六里

太平鄉十

四都至十六都凡三里

興仁鄉十七都十八都凡八里

宋乾

道中知縣齊慶甫改沙河鄉為興仁鄉

上潭鄉十九都二十都凡七里

通

貴鄉二十一都二十二都凡四里

宋乾道中知縣齊慶甫改分度鄉為通貴鄉

坊二 河西為進坊

分三

河東為招坊

分二

凡五里並統

於鄉

以上乾隆府志

按縣志山川自南而北舊編都畝亦自南而北自北而西
共四十四畝卽四十四里也又縣畫爲三區五都至十五
都招坊一畝二畝進坊二畝爲東區三都四都十六都至
十八都進坊一畝三畝爲 區一都二都十九都至二十
二都爲南區此三區所由分也

城坊內外街巷二十一

城內爲進坊 縣前及南門內爲南街 大東門內爲市心
街 中稍往南爲土街 又名隱梅坊 往北至中東門爲毬塲街

又北爲江夏街 下東門內爲道府前 北門內爲里仁
街 西門內爲西街 小西門內爲裏巷

城外爲招坊

大東門外過淳源橋爲上市街

又名尙文坊

中

東門外過架虹橋爲中市街

往南爲十字街

往北爲集

賢街

又名聚慶坊

下東門外過黃濟橋爲殿前

以上舊縣志

棲真巷在縣治東

篤祐巷在上市街東

東巷在中市街

東書升巷在十字街東

九思巷在駕虹橋東南

冀草

巷在江夏街西

陽陂巷在上市街南

以上採訪冊

遠近市鎮十五

三溪鎮在縣北三十里石壁山北逕通天井山有巡司

清一大

統志江南通志畧同

廟首鎮在縣南四十里

江南通志

江村鎮在縣

南五十里

同上

孫村鎮在縣西南三十里

白地鎮在縣西

南五十二里 下洋鎮在縣西南五十五里 新建鎮在縣

西二十五里 禮村鎮在縣西五十里 邱村鎮在縣西四

十里 月村鎮在縣西四十五里 楊樹鎮在縣東二十里

俞村鎮在縣東二十五里 滑渡鎮在縣東三十五里

板樹鎮在縣南十五里 喬亭鎮在縣東北廿五里

以上採訪冊

太平縣

領鄉十三統里二十八 舊志作鄉十二里二十七乾隆間新

桂城鄉凡五里 東隅西隅南隅北一北二 道泰鄉凡二里 道二 望仙

鄉凡一里 東鄉凡一里 西鄉凡二里 西二 弦歌鄉凡

三里 弦一弦二弦三 涇陽鄉凡一里 長壽鄉凡一里 龍門鄉

凡三里 龍一龍二龍三 時雍鄉凡一里 明萬歷間增 近悅鄉凡一里

遠來鄉凡一里 以上二鄉俱康熙二十六年增二里散居各鄉 阜成鄉凡一里

乾隆年間新
增採訪冊

坊五並統於鄉 以上舊志

城坊內外街巷二十五

直街自縣前直出至南門 中市街自南門外富溪橋直行

至五馬坊 橫街自縣門口東行至城守營西行至西門

黃家街縣治東通東門 東巷縣治東 鄭家巷縣治東通

北門 方家巷縣治西南 周家巷縣治西南 項村巷縣

治前直街內西行 栗里巷在縣治西 微士周萬年題 搖竹巷

恬湖里在縣治西 塘里在縣治東南 聚星里在縣前直

街 敦素里在縣南 六房里 北街里在縣治北 王家

塢在縣治北 楊家塢在縣治西橫街內 胡家塢在縣治

南 胡家園在縣治西南 章家坦在縣治南 鳳家墩在

縣治南 張家坦在縣治南 還淳坊在縣治西 澧州知州周恪題安

仁坊在縣治西 以上採訪冊

遠近市鎮凡七

宏潭鎮在縣西南一百二十里 方輿紀要作縣西百里 明洪武間置巡

司嘉靖中以其僻隘移於郭村巖前當徽池二府之衝 清一大

親志 江南通志同 趕坦鎮東鄉在縣西十五里 瀟溪鎮長壽鄉

在縣西五十里 溪卜鎮西鄉在縣西南五十里 郭村巖

西鄉在縣西南七十里 山口鎮道二鄉在縣南十里 洪

潭鎮道泰鄉在城南十里 以上採訪冊

寧國府志卷十二

輿地志

古蹟

宣城縣

周楚王城

在宣城縣東北百里兵興嘗扼隘於此

輿地週迴紀勝

四里高二丈五尺厚一丈城之東北古驛路也斥堠存焉地

接當塗溧水舊經云昔吳楚相距創此或云晉司馬休之嘗

於此築壘或云伍子胥鞭平王尸處考之傳志俱不合昔秦

敏學嘗著文以辯其非以左傳楚伐吳至衡山爲證衡山在

今廣德距此相近謂楚王爲熊審是也

洪武宣
城志

在旌德縣北

一百里相傳吳楚相距時策又有故楚城在南湖北岸

清一大

統志

按一統志以此城在旌德縣今縣北四十里卽涇縣界其
不能有此城可見且云故楚城在南湖北岸攷舊志南湖
在宣城縣東北五十里此在北岸正與輿地紀勝相合自
應載宣城其謂在旌德者疑誤

漢宛陵故城 卽今縣治漢初置丹陽郡治晉改爲宣城郡治

咸和中桓彝爲內史值蘇峻之亂城未及堅乃退屯廣德隋

始改縣曰宣城

大清一統志

宣城縣在宣州郭下隋自宛陵移於

今理疑今宣城縣治非漢宛陵故治也

元卽志

彭澤聚 宛陵彭澤聚在西南漢書地理志今名彭澤街在大東

門外漢書注謂在宛陵西南因舊丹陽郡治在今郡城東北

宣城舊城 在城西青弋江並乾隆志

丹陽郡舊治 今郡城陽德門外同上

喪臨鎮 相傳漢楚王英徙涇興觀臨此故名康熙府志

麻姑山寨 府東三十里乾隆府志

仙壇 麻姑山最高峯相傳為麻姑煉丹處舊有丹竈劍池

石秤釣魚磯天游亭諸蹟多名人題咏同上

嚴公臺 在縣西南四里相傳嚴子陵嘗釣於此大清一統志

臨習潭淵深數十丈世傳嚴子陵垂釣處也臺西舊有攬翠

亭中有碑宋初桑補闕填以碑石推沉潭中莫能解其有武

宣城志

聖俞詩云上過桓葵宅下經嚴子臺

嘉定宣城志

金錢湖 古五湖之一與南湖東西相望孫權時中原避亂

來歸者衆始築爲圍田初名化城後易名金寶圩

乾隆府志

孫吳龍溪古塔 城北八十里水陽東岸吳赤烏二年建

同上

晉遼道城 在縣北六十里漢縣屬九江郡其地在今廬州府

界晉南渡後僑置於蕪湖縣界屬淮南郡宋齊以後因之隋

初併入宣城縣

大清一統志

週迴二百八十步高十丈厚六尺城

之西有古驛趾號常山驛後爲酒廬溪流以西曰牛頭灣東
出南湖水源至此而濁其東西二港以清水濁水名岸以東

則通半山路也

洪武宣
城志

按左傳公會吳于橐皋杜注在淮南

遠道縣遂以此取證舊經亦然顧野王輿地志云宛陵縣界

亦有遠道殊不知吳會橐皋宜在江北今廬江舒城乃其地

援傳注附會于此非也

嘉定宣
城志

魯顯水

東南九十里晉宋間里人魯顯領部曲戍此

乾隆
縣志

蕭齊中國

紀功曹中國謝朓有與何從事吳郎歸句詩

康熙
府志

高齋又名北樓又名謝公樓又名離嶂樓又名北望樓

在

府治東齊永泰中謝元暉出守有高齋視事閒坐答呂法曹

詩又劉夢得詩云內史高齋興有餘韋蘇州詩云高齋謁謝

公

輿地
紀勝

在府治內謝朓守宣城建齋以居以其麗陵陽之麓

故謂之高齋明嘉靖間郡守方逢時有重葺高齋記云稽其

故址鳩工庀材蓋復舊觀也萬歷志稱以廉惠亭改建漢

府後人於其地創北樓唐李白秋登謝朓北樓云誰念北樓

上臨風懷謝公是也嘉定宣北樓在宣城縣治北明一統志

南齊守謝朓建李白詩誰念北樓上臨風懷謝公後人亦稱

謝公樓咸通中刺史獨孤霖改名疊嶂自為記大清在府

治唐咸通中獨孤霖建記曰郡以溪山著名而溪少負則疊

嶂名之為宜輿地紀勝即古高齋地唐初一名北樓獨孤霖改建

易名疊嶂而北樓之名廢矣

國朝郡守許廷試重建又復北樓之名題曰古北樓乾隆一曰北

望樓鄉黨詩云高齋今北望池上猶春酌自注高齋今北望以齋易樓唐人實爲之

嘉定宣
城志

今日校譌國集適此兩卷皆

公在宣城詩某爲兒時先人以公真藁指示某是時已能成誦今日讀之如見數十年前故人終是面熟但句中時有與昔時所見不同必是痛遭俗人改易耳如病起一詩云病來久不上層臺

原注謂宣城
墨嶂雙溪也

牕有蜘蛛徑有苔多少山茶梅子

樹未開齊待主人來此篇最爲奇絕今乃改云爲報園花莫惆悵故教太守及春來非特意脉不倫然亦是何等語

竹坡
詩話

按輿地紀勝及諸府志皆載高齋與墨嶂樓而不載北樓一統志載高齋北樓而無墨嶂以墨嶂因北樓易名似高

齋別有其地非也不知北樓疊嶂樓卽高齋舊址以及稱
謝公樓北望樓皆爲一地不過屢易其名耳觀嘉定志載
高齋云後人於其地創北樓一統志載北樓云改名疊嶂
其爲一地可知

謝公亭 在縣北二里九域志齊太守謝元暉置舊經云謝
元暉送范雲內史此其處也

輿地紀勝

卽謝朓送范雲赴零陵說者以

地

大清一統志

謝集文選載其詩題云新亭渚別范零陵說者以

新亭渚在建鄴然古今相傳謝公遺蹟不可泯也唐李白詩
云謝公離別處風景每生愁謝朓范雲之遊處國朝詩人留
詠亦多此不悉載慶元初齊侯慶肖訪得遺址議重建亭不

果嘉定宣亭之西有脩竹茂林昔人卜築其中扁曰企賢兵

火後廢洪武宣

〔隋〕三天洞 東南去郡城五十里太平寰宇記洞三竅皆見天流漸

晝夜不絕輿地紀勝在稽亭山洞有名龕陪扶風禪師安禪之地

流泉涓涓溉山下田千餘畝又有風穴深不可測舊經云穴

水直通禹穴及湘潭洪武宣

〔唐〕溫城 在縣東二十里唐刺史溫璋所築大清一統志

張路斯田 在城東北五里俗傳其田不利耕者歲多罹水

張路斯者非人蓋龍神也洪武宣昭靈侯廟碑云南陽張公

諱路斯隋初家潁上縣百社村唐景龍中爲宣城令以才能

稱白宣城罷令歸嘗釣於焦氏臺之陰顧見釣處宮室樓臺
遂人居之夫人石氏生九子至是公語夫人曰我乃龍也夢
人鄭祥遠亦龍也與我爭此居明日當戰使九子助我領有
白綃者我青綃者鄭也明日九子射中青綃者公逐之去所
過皆爲溪谷而達於淮九子皆化爲龍以去事見唐布衣趙
耕之文淮潁人立廟祀之

蘇東坡集

張右史題詩云張公乃神物

爲令嘗在茲至今城北田相傳爲路斯嘗閱集古錄亦有龍

公碑

嘉定宣
城志

擁翠亭 卽李白獨坐題詩處碣尚存與今之雲齊閣額珠

樓相去里許總一山也

乾隆
府志

靈源寺 李白有贈靈源上人仲濟詩初建所在亡考同

宛溪館 在宛溪上李白詩吾憐宛溪好百尺照心明却笑

嚴湍上於今獨擅名

康熙府志

沃洲亭 在縣東會勝寺側李白詩云五松何清幽勝境美

沃洲好事者即以名亭

輿地勝

胡文恭公宿留題二詩按沃洲

本在越之新昌白樂天換山院記以為東南山水之勝此殆

名之偶同或以李白詩在宣州作故因取之云爾

洪武宣城志

開元寺水閣 景德寺後名人題咏甚富

乾隆府志

開元古井 開元寺後鑿井與建寺同時故名又寺前一井

亦名開元水可療疾歲久湮沒康熙間僧募眾開濬邑貢生

唐益記

同上

陰塔井 在泰和門內梨園總寓中建置年月莫考相傳與

景德寺開元塔同建久淤乾隆五十八年重浚邑人梅績憲

記採訪冊

鐵佛 開元寺大殿後紹興二年鐵佛自動迭前迭後若偃

而就人者數日未幾城內居民火

舊府志

黃蘗泉 在城北一十五里之明寂寺俗謂之書堂泉纔一

涔不見其發源處冬夏不竭世傳唐黃蘗禪師卓錫於石上

而泉出寺有大士殿殿前有沼宋嘉祐四年僧餘交以寺去

泉遠掘沼深五丈不及泉跌坐其中三晝夜泉卽湧出號觀

音靈洛禱雨輒應

洪武宣
城志

金雞井 城北廣教寺右唐黃蘗禪師建寺千間其樹皆羅

松相傳禪師托跡安南國募化羅松萬株限某日樹自運至

山是日有金雞相鬪入井羅松隨泉湧出架屋九百九十九

間後災燬今尚一木橫井口

乾隆
府志

西侯亭 城西門五里唐天寶十四載宣州刺史趙悅建以

舍使客李白作序頌有煌煌鏘鏘如文翁之堂等語

宣城
事函

後如洞 在縣西三十里唐永泰中寇王萬敵嘯聚於此招

討袁修率師禦之

嘉定宣
城志

韓昌黎別業 舊址不可考朱子韓文考異云愈有別業在

宣城集內示姪爽自京師之宣城詩有宣城去京國問里故
依然之句

古西溪 卽溪口唐西平王李晟後裔宗莊由闔山遷此時
人艷稱古西溪萬山環聚族甲華陽溪傍有洞高數仞廣數
丈樓臺丹竈石鐘土鼓仙蹟在焉李氏子孫世家於此

乾隆
府志

石盞寺 在敬亭山傍僧置傳燈閣藏佛書沈括記杜牧有
詩梅堯臣有尋古石盞寺詩今山後亦有石盞寺恐非其舊

上同

九女墩 楚王城側昔有九女遭水難其屍抱結逆流而上
至此止焉里人瘞之故名

上同

獅子門 在府治東當城門外有大石獅子二蹲踞以對路

鼇橋世傳寅山高葬故以獅子厭鎮之今猶存焉洪武官城志

迎祥閣 在壘嶂西卽條風故址乾隆府志

按舊志皆云宋建雙溪閣卽仍此故址

曉星館 在縣西五里輿地紀勝

畫簾堂 在縣治中同上

四賢堂 在府治同上

德政陂 在城東南五十六里卽今篴嶽壩唐觀察使陳少

游築引水灌田民食其利故名康熙府志

薛公堰 在城北一百一十里唐建中初宣歙觀察使薛邕

所築

洪武宣
城志

宛陵公署

久廢未詳所在舊志云唐觀察崔衍建秘書館

况記

乾隆
府志

碧山亭

在城東南二里唐刺史路應跨潭爲梁建兩亭於

東西巖營州兵權德輿爲記鐫巖石久剝落

康熙
府志

坐嘯堂又名虛明觀

在府治舊曰虛明觀在懸嶂樓南隅

唐鄆刺史蕭獨孤刺史霖刻石存焉

輿地
紀勝

按舊志載虛明觀與此畧同又載坐嘯堂舊名清涼

雲根石

在一峯之巔怪石如掀李白題雲根二字

乾隆
府志

九曲池

郡城北三里唐刺史裴休種蓮爲游觀所今池僅

存康熙府志

裴公井

在城北味甘異他井唐丞相裴休所開

輿地紀勝傳經

云裴相井在石盩院宋梅聖俞有古石盩山詩時寺基遷徙

莫知古石盩山然舊址尚存山中有井相去可一二里豈圖

經所傳裴公井耶今近城石盩寺亦有井恐非是盩一在城

北萬壽禪院南隄卽舊經所載者一在敬亭山南萬松亭側

則梅公所謂古石盩之舊基也

洪武宣城志

有裴公井前志所載

不能無疑似之感況石盩萬壽二寺并萬松亭傾圯歲久井

之遺蹟不可考矣姑錄之以俟知者

嘉靖府志

乳洞

龍洞

並在蔡后山有棋枰石龍穴諸勝採訪冊

龍泉洞 石佛庵右一名密頭洞有田厓鴈鴦池沼諸勝

國朝施閏章梅枝鳳均有詩又龍門洞在簪絲潭採訪冊

小廳 乾寧中節度田頌建沈顏記乾隆府志

新安院 城東句溪上本都督府署唐天祐十三年建尉遲

樞爲贊記同上

海榴堂 唐時建許渾有陪崔尚書宴海榴堂詩同上

放生池 唐乾元中奉詔建在城北宋乾道中改城南祝家

塘守顏頤仲改濟川橋西有記宋天禧丁巳詔江淮等處有

放生池者浚之即此同上

南亭 錢起有和張太守南亭秋夕詩同上

僊人巖 城東南僊亭山古仙人嘗居此今稍東有仙人巖

下爲三天洞中有扶風禪師智琰石龕宋元以來多名人題

咏舊圖經

鼓城 城南十五里山形似鼓下有橋俗訛爲古城橋

乾隆府志

南唐碑亭 在城西十五里亭久廢而碑尚存蓋南唐徐知誼

墓道碑也按知誼乃李先主昇之弟始俱爲徐溫養子昇既

貴盛溫諸子皆忌惟知誼常陰祐之故昇以爲德知誼封魏

王出爲宣州刺史卒葬於丁山距此十里許今碑文剝缺多

不可辨云

鐵牛門 在府治東北城內前志雙牛治鐵爲之俗傳郡無

丑山故象大武以為厭鎮諺云丑上無山置鐵牛自五代林

仁肇更築羅城舊門關皆改革今惟一牛存里人即其地為

司上神廟號鐵牛坊

洪武宣
城志

府治東北雙牛鐵鑄五代林

仁肇更築羅城舊門改置鐵牛一於大東門木禾神殿中今

柵鐵牛廟一在小東門羅城內今移置濟川橋上

乾隆
府志

宋勅書樓

府治西二十步建隆壬戌奉詔建從宗卿趙矩謨

乾隆
府志

又勅書樓在縣治前

乾隆
縣志

發願文亭

有御製文碑端拱中勅建從李宗諤請

同上

原稿堂

在縣嶧西宋初榜曰宣城通判徐鉉篆書天聖中

守江嗣宗更名原稿自為記

同上

觀風樓

在壘嶂樓東宋學士邊肅有記同

巢林亭

宋施元長父煥隱居石子欄有巢林亭梅堯臣數

為賦詩同上

攬翠亭

宋天聖中推官李某建梅堯臣命名為記勒碑同上

環波亭

在城上下臨城壕輿地紀勝舊歲嘗植蓮藕花時紛郁

水風上下皇祐中邵侯飭命名梅聖俞詩云今吾太守樂副

此邦人望

方輿覽勝府堂後宋天聖中郡守邵飭命名在子城北

濠上

乾隆府志

按邵飭官宣州時在皇祐間謂天聖中誤

陵峯堂

在府治舊曰重梅梅公聖俞所名也輿地紀勝舊重梅

亭址皇祐初邵侯飭建梅聖俞文所謂春月民遊邀予命之

曰重梅也亭圯梅毀久矣紹興中改創此堂

方輿勝覽

索笑亭

在園東北以梅取義

同上

共樂亭

郡後園池傍邵飭建梅堯臣名疑卽重梅

乾隆府志

綺霞閣

在倅廳天禧間建江白撰記江嗣宗書額

輿地紀勝通

判廳後嘉祐中石堯夫修守章岷記後通判朱正辭重修汪

白記

乾隆府志

按閣有詩碑宋蘇爲序宋任後序見文纂

池軒

通判廳後杜君懿建王安國記

同上

時雨堂又名宣城堂

宣城堂舊名時雨治平中刁侯約建

取沈休文昔賢俾時雨之義本侯待問改爲見德堂陳侯讜

扁曰宣城堂方輿勝覽在府治輿地紀勝顏熙仲更名燧乾隆府志

雙溪閣 在府治取宛句二水以爲名輿地紀勝治平二年刁侯

約造先是唐世有北望條風清暑等樓後惟存二樓曰觀風

日迎春居其東偏卽條風舊址也至是併拓其地築傑閣取

宛句二水爲名熙寧初余侯良肱有雙溪夜譙詩蔣穎叔郭

功父其客也明年廬侯革賦古風備述閣之所始及命名之

義畧云景純南州望才名早熏灼侯昔命小負二水頗久作

景純兼取之志度良已搏壘嶂最驚目排青隱星絡雙溪頗

醒心激素出林薄景純刁侯字也言侯者謂唐獨孤刺史也

元豐末蘇文定赴宰績溪留詩云仰攀壘嶂高俯閱雙溪美

紹聖初張侯耒穎二勝扁於樓閣紹興二十八年倅李勣重
鞠勑石淳熙九年陳侯驤於閣之南隅闢二齋爲退食之所

扁曰懷農思政

方輿勝覽

按仰攀二句爲梅堯臣次韻侯宣城疊嶂樓雙溪閣詩此
以爲蘇文定公詩不知何據

松風亭

城東永慶寺傍梅堯臣詩亭下已無栢澗邊獨有

松今無松有大栢二株輪囷數圍相傳爲五代時臺濠手植

乾隆府志

松林院

東溪上梅堯臣題又有寄松林長老詩云大松五

丈百餘歲小松五尺前時種俱有堅完不朽心莫以今輕古

爲重東溪一片寒玉光夜掛高枝何所用今燬不存

同上

梅溪 城南三里雙羊山下梅都官詩風雪雙羊路梅花溪

上村故名梅溪

康熙府志

宛陵堂 在便廳西呂居仁詩疊嶂樓前納涼處宛陵堂下

探梅時

輿地紀勝

近歲植巖桂堂下

方輿勝覽

曲肱亭 黃魯直題宛陵張待舉曲肱亭詩仲蔚蓬蒿宅宣

城詩句中人賢忘巷陋境勝失途窮偃蹇動業外嘯歌山水

重晨雞催不起擁被聽松風

輿地紀勝

在城西桃花源宋張貴監

簿植亭於此黃太史留題今遺址漫滅不可知矣

洪武宣城志

符裏鎮 城北五十里卽今東門渡相傳許旌陽遊山南於

窑傍置鐵符斷自符以東可陶今陶皆出鐵符之東有許真

君祠宋建中靖國元年監宣州酒稅左殿直雒陽柴吳建真

符觀鎮之東爲東門渡舊爲焦村市有屯師濠塹

乾隆府志

安濟坊 城東南宋崇寧乙酉詔建於紀家巷令貧有疾者

居之官給藥食慶元間宋之瑞復久廢

同上

漏澤園 在城西北五里近桃花源崇寧三年詔曰人物繁

庶貧無以葬或至委棄路傍寄留僧舍甚可憫州責之縣選

僧管幹可名漏澤園許支川常平錢漏澤園名始此淳熙十

年陳侯騷始置園於此凡墓之地別剏土瓦屋委僧行居之

慶元五年宋侯之瑞下令遺骸有不能掩願焚化者聽於是

哀輯墓地及僧屋皆如制寶元初戶部言州縣有暴露骸骨
請官爲收葬詔從之熙寧元年詔州縣檢視暴露骸賜官錢埋
瘞仍給酒餼酹發考課格野無遺骸爲守令最之一

嘉定宣
城志

嘉熙元年吳公淵持江東清節時以居養院頽圯淵澤園充
斥始命知宣城縣李振移置院於城西官道之傍又買地廣
義阡於西郭外又以私帑給棺槨及葬埋錢自是小民無送
死之憾矣淵澤園舊以僧掌之嘉定間改命道流喻如松能
募緣更造堂宇名曰圓清而義阡別創庵五楹在其側

嘉靖
府志

紹堂 宣和中司士胡充國建得其祖胡文恭宿判郡時會

勝寺詩石二藏諸壁初胡綬爲郡刑曹掾尤弼爲宣城令並

文恭孫豫章羅竦記紹興末胡景修判宣州復徙二石置東

序故宇仍名紹堂教授呂廣問記

乾隆府志

綠陰亭 縣丞廳西靖康初丞羅靖建

同上

惠泉 城東南宋建安州守李光因寇開城鑿池蓄水以飲

兵民人感其德故名

同上

宣詔亭 守沈晦建

同上

頌春亭 守沈晦建

同上

露香閣 在府治下臨東池

輿地紀勝

舊名凌虛葉侯清臣孫侯

錫皆有詩紹興中朱侯翌屬今名且賦詩刻柱間

方輿勝覽

又有

翠寒樓亦在東池上嘉定己卯守洪汲建疑卽此閣易名

輿地

府志

按嘉靖志翠寒樓其下為露香閣則卽閣之上建翠寒樓

明矣非易名也

合同場 卽茶場紹興中建

乾隆府志

澄江亭 在縣城取澄江淨如練之句今名澄江閣輿地紀勝在

宣城縣北三里宋紹興中太守秦梓取謝朓句而名大清一統志

郡治北宛水上秦梓建開禧初守陳藻修更名練江乾隆府志

坡仙石碣 城北廣教寺雙塔中蘇軾書乾隆府志

金牛洞 南湖北卽雲山洞有巨人跡卽印石上四壁石乳

下懸魏良臣有洞記盧維屏於洞口題雲窩二字洞中石刻

句云翠谷陰中神變化碧天深處吼風雷又每歲有牡丹艷

放石間不植自生無定所亦無定數餘詳雲山

乾隆府志

貢院 在郡治西郡守朱翌建始通判俞召虎後守凌景夏

成之翌爲記久廢

同上

敬齋

在府治西

輿地紀勝

紹興中樓侯炤立

方輿勝覽

水陽驛

久廢舊志王給舍宅

乾隆府志

資深堂

郭祥正感懷贈李公擇詩君來宣城幕衆謂得良

牧我適遊昭亭林中騎白鹿時趨資深堂遇君亦休沐

輿地紀勝

平雲閣

郭祥正賦平雲閣詩宣城多名山詩人舊經歷獨

無平雲篇疑怯作者敵

輿地紀勝

秋水閣 郭祥正題秋水閣詩偶登秋水閣靜吟秋水篇白

雲散林表蒼山落簷前

同上

列岫亭 郭祥正列岫亭詩謝公遺句惜埋沉更作新亭一

百尋宿霧擁山眉歛翠夕陽浮水帶橫金

同上

古宛陵郡坊 在府治西乾隆年間廢

採訪冊

片雲石 在敬亭山麓里人尤暘復摹片雲二字

乾隆縣志

西園 朱時邑人林宋放陪郡守遊此時從者汪珍倪應淵

等十九人以飛蓋遊西園爲韻並有詩

乾隆府志

耕塢一名望稔亭 耕塢淳熙中陳侯驤置嘗於此備工種

禾麥以候農時之早晚且結茆爲小亭扁望稔又別置竹籬

茅舍今存

方輿勝覽

望稔亭舊志云耕塢在城北

乾隆府志

巖隱

在府治有假山

輿地紀勝

舊小亭曰望倉郡侯於此察原

人出納後好事者植竹其旁號翠葆淳熙中陳侯騷疊石爲

假山中刻爲曲徑以通幽步號巖隱其小亭扁曰揖青

方輿勝覽

栢楓飛橋

城東南七十里栢楓山下跨岫爲梁宋淳熙中

梅文明鳩族人建明洪武中梅清四修萬厯中梅振祚改建

高廣構亭其上凡七楹郡守羅汝芳題曰引虹由此而曰谷

口曰臨流曰流華曰雲生處曰奇甚題石殆遍更進爲仙人

巖爲傘骨菴皆奇蹟也互見山川

乾隆府志

鐘鼓潭

栢楓山中山谷口橋進二里許石潭衝激響如鐘

鼓日麗風清聲逾宏亮

同上

大聖古洞 葛家冲怪石谿衍高廠深邃東西南列三門上

爲七當山柏枧絕頂也

同上

筆架石 城東南華陽山石高數仞下有珠泉環遶

同上

鑑止 卽東池之支流傍植翠木扶疎可愛陳侯駟始初啓

酌於此可憇息

方輿
勝覽

按舊府志作鑑池宣城縣志作鑑止蓋止泚池聲相似故

傳寫各異今从其初作止

曲水堂一名敘情堂 敘情在宣城堂後廡紹熙元年趙侯

師垂以東池水浥注於此遇宴客流觴飲之今扁曰曲水

方輿

勝曲水堂初名敘情堂嘗引東池水注堂下流觴宴客因改

名乾隆府志

五橋 劉震孫長卿號朔齋知宛陵日吳毅夫潛丞相方開
居劉日陪五橋之游奉之亦甚至嘗攜具開宴自撰樂語一
聯云入則孔明出則元亮副平生自計之心兄爲東坡弟爲
樂城無晚歲相違之恨毅夫大爲擊節劉後以召還吳儼之
郊外劉賦摸魚兒一詞爲別末云怕綠野堂邊劉郎去後誰
伴老裴度毅夫爲之揮淚繼遣一价追和此詞併以小匠侑
之送數十里啟之精金百星也前輩憐才賞音如此近世所

無齊東野語

識松閣 在府城東舊府學中初相地者云百年後松梢過

閣當有魁天下者至嘉定間吳潛果大魁因以名閣

江南嘉通志

定甲戌得亞魁汪介丁丑大魁吳潛因建是閣又名松連閣

又有時觀閣在識松閣南

乾隆府志

翠寒樓 嘉定己卯洪侯飯所建其下爲露香閣年深頽圯

淳祐辛丑顏侯順仲更造改爲觀政堂囑南廳鄒倅夢得爲

之記具載本末仍移露香額於虛舟荷池之上

嘉靖府志

濟美堂一名靖慶堂 靖慶堂乃府治中之堂也紹定癸巳

汪侯繹鼎新之其父義端嘗守茲土故名曰濟美明年表侯

君儒以郡圖陸峯堂舊扁易之至嘉禧庚子杜任範更今名

同上

按乾隆府志作汪侯鐸但考職官表中又作汪繹乃知舊志字誤今仍從作繹

望僊亭 其名尚矣亭廢乃其址爲都廳至紹定戊子潘侯

樞始復其舊刻前人題咏於其上

同上

按此亭亦在府治內舊志均未詳其處

琴清堂 宋嘉禧令黃元直建

乾隆府志

忠勤樓 在府南門外吳氏村口宋景定間吳淵置樓於永

相第中御書忠勤樓三字額賜之今祀吳柔勝吳淵吳潛三

公於其上府志云明萬厯初改建

江南通志

按舊府志皆云明改建於此上層又名三公臺江南通志
所引益取此意而文異耳

文昌宮 城北澄江亭側郡人湯應隆震隆改建別有道院

以居守者又爲堂以祀正肅吳公及其子叅政莊敏公丞相

許國公今僅存廢址

乾隆府志

敬亭一名昭亭

在府北十里敬亭山

江南通志

在敬亭山麓今

廢石坊存

同上

按舊府志皆作昭亭不知此亭因敬亭山得名其名昭亭
蓋亦宋時避諱而改耳

僊溪 在折山相傳昔有奚氏女浣紗不返家人索之但見

溪流清泚異常以爲仙去故名

宣城縣志

古州學 大東門外古青郊地舊州學建此後屢爲山水所

敗改建城內

乾隆府志

石頭浦 在縣北二十里舊經引方輿記宛陵石頭浦遺蹟

存焉旁有山石壁嵌峻下臨溪流澄可愛是爲峽石山

嘉定

宣城志

石頭浦附在峽

按舊本作陝今據諸志改正

石山

洪武宣城志

奉真堂

在國西南堂內有小池深莫測

方輿勝覽

按此堂及圃皆在府治內舊志均未及載

元參雲亭

在疊嶂東貢奎有詩

乾隆府志

彰教寺

荆建所在亡考邑人貢師泰有和陳公輔遊彰教

寺詩云春風延客爲開關天雨空花紫翠間欲向雲中問難

犬蒼蒼松柏暗丁山汪澤民詩云春來游戲日相閑帶雨看

花紫翠間開讀唐碑訪遺蹟石麟殘闕卧丁山自註魏王徐

知謚墓在焉今丁山在郡城西南隅

同上

南湖書塾 在府城 六十里南倚湖貢氏萃美集云元廣

陵侯濟置張養浩諸人題咏

江南通志

書堂寺 邑人何儒行有從硤石歸訪書堂寺詩爲尋丞相

迹因到野僧家初建未詳

乾隆府志

南水門 在城東南五十步元妙觀之東俗傳開此門不利

遂廢惟存斗門以洩水

洪武宣城志

明落葉橋

在城北興國寺前明相傳洪武過此適一葉吹落

因以名橋

凝虛院

在元妙觀西偏張邈過曾居此

稅課司

在陽德門內街南洪武知府胡乾祐建設大使掌

甲兵吏各一人巡捕八人凡商僧屠市皆有常稅以時催之

而輸於府民間買田宅契券請司鈐印以備奸偽嘉靖辛亥

戶部議請推收稅畝縣官徵解用備邊儲印契歸縣甲子知

府羅汝芳議省冗員奉文裁革其舊址嘉靖後改俞忠愍祠

織染局

在府治西街東明初知府楊觀建成化知府劉槃

重修後改中察院今爲宣州衛公署。明初設局大使副司

吏各一人堂長九人絡絲匠九十八人染匠四十五人線匠一十五人絡緯匠九人凡歲幣有常數其貲府給之使督其成納府帑上於臺使覆視印記入貢若朝旨有需非額造者則府爲他市以供局自宏治後匠戶凋耗歲幣皆官爲市易嘉靖知府屠應坤議從局織造遣富人買絲捐資有至數百金者匠丁不嫻業陪出僱值胥切病之去任乃已仍令商領織充貢隆慶知府鍾一元議請裁革官吏其堂長匠戶量徵丁銀充價如故匠丁銀詳田賦

魚潭河泊所 府北三汊河口知府黃榮祖建設大使一人掌記攢典各一人凡業魚有恒處亦有額課以時徵之其輸

於工部者爲生銅熟鐵魚線膠翎毛輸府則以鈔居工部之半初並以銀折後部議銅鐵膠半折翎毛全折少易於前嘉靖甲子裁革魚潭所隆慶二年續革南湖所其課以府幕職司之今改屬縣南湖課額宣城五之三建五之二二所各以漁戶輸充催首徵解於縣課銀數詳田賦

南湖河泊所 明守黃榮祖建在府北馬山埠距府六十里和豐倉 府治西南初在城北門外明天順中知府沈性建宏治知府范吉知縣方溢移入城內脊歸臺東北高埠上

國朝順治八年季日茈改爲管房倉廢

宛陵驛 舊在北門養濟院北正統間知府沈性建驛丞一

人驛吏一人廩給庫子二人館夫二人鋪陳庫子二人站舡
四隻水夫一百人凡主乘傳廩餼之事嘉靖甲子知府羅汝
芳議請裁革事皆歸縣驛址改建宋郡守文丞相祠

清獻樓

譙樓南宋治間知府范吉以仕清獻嘗刺是郡建

副使馮蘭記

以上乾隆府志

景梅亭

在府城南宋梅堯臣祠墓之左府志云知府范吉

建

江南通志

惠廉亭

郡治東北莫詳創始或云太守惠隆建通判李某

因舊址題曰惠堪旁構小亭曰戒弦又南爲退思並廢

洗心亭

初名守拙正德中通判何宇建郡人吳宗周記萬

歷甲戌通判石玉銘重建名洗心

式敬軒 正德中知縣周廷用建貢汝成會讀書其中有詩

一枝軒 嘉靖初翰林侍講汪佃謫判寧國居此自爲記

東察院 府治東邑人貢欽記堂左有射圃亭嘉靖巡按馮

恩繪秦檜爲射的自撰發奸亭記東爲鳳鳴臺舊名觀風臺

知府羅汝芳修改爲察院後廢

一台菴 城北里許三汊河口俗名天王殿明嘉靖中詹應

鵬建基現存有水尖壘石爲府治下關護沙

古半月臺

明郡守羅汝芳題今石嵌北樓壁間

以上乾隆府志

巖臺石 城南巖臺山山有石洞瀑布古松大十圍郡守羅

汝芳同大叅梅守德游羅書巖臺二大字鐫詩石上臺端松

抱石巖底培棲雲二句尚存餘剝蝕不辨矣

康熙府志

天延閣 小東門外貢生梅鼎祚讀書處地俯青郊頗多名

咏

乾隆府志

按縣志作天延閣查梅鼎祚讀書處爲天延閣在小東門內爲梅清吟嘯處見宛雅

夢珠泉 在一峯庵後山噴泉如珠四時不斷巷僧用竹筴

接水入厨郡守羅汝芳題曰夢珠

康熙府志

芥子庵 城西五里明萬厯中徐篤慶建陶望齡記斷碑現

存

乾隆府志

天柱閣 在鼇峰東麓郡學左側明萬厯間推官張嘉言建

里人銓部胡國鑑詩遙驚天際跨東南文脊霏微送遠嵐桃

李溪溪春色滿每從去後憶張堪今閣廢

康熙府志

半巖書屋 北樓下古栢參天黛色下映居然巖谷深處外

卽磴道人拾級以登謂之檜門

乾隆府志

焚香處

與半巖書屋接明郡守開驥題

同上

春歸臺

在西城內高阜爲郡人春游之所里人明經劉仲

光詩秋盡行春逸興同春歸臺上醉秋風怪來滿座桃花色

霜葉千杯入酒紅臺下有方丈名曰小指菴寧鎮副將張鵬

程同僧宗樂建

康熙府志

最高亭

在敬亭山腰天啟間知縣謝元珧建

乾隆府志

公館

久廢舊志西門內卽張少保宅

同上

額珠樓 城北敬亭山最高亭之上明崇禎間知縣陳泰來

建自爲詩記刻石四壁丹樓冠山爛若霞舉矣

康熙府志

聖泉 正學書院堂後右簷鑿二尺許清泉旁滲漈冽異常

因巖石成井沈壽昌謂先儒效靈以示蒙養之象故名

乾隆府志

龍首塔 正學書院左緣蔭書院建梅守德有記

同上

龍首亭 在文昌臺南五十步今廢

同上

因悟菴 城北三十里明崇禎戊辰梅殷祚建施香燈田三

十畝郡守黃夢松宿菴中題曰西來精舍

同上

四牌坊 在上市街四面題世德忠孝詩伯尙書四額

棟蒿良輿

貽徐元泰書增 今圯

濯纓亭

在澄江亭右張守道建王萬年有詩

採訪冊

銅井

在陽陂山下井深數丈汲之聲響如鐘

康熙府志

茶峽蕩

在陽陂山下舊產佳茶名瑞草魁一名橫紋今爲

民居不復種茶城內有三蕩此其一也

乾隆府志

嘯泉

城東十字路山人鼓掌而嘯則泉湧出

同上

破城

有破城橋

同上

新城

在城北館驛前三汊河宛句台流處

同上

虎窠泉

在城北敬亭山間雲菴左遊人吟詠頗多

同上

義倉

一在敏應廟久廢一在水兌倉內今爲社倉

同上

國朝雲齊閣

在府敬亭山翠雲菴前取唐李白詩合沓與雲齊

爲名

江南通志

遊人每讌集於此把酒憑欄江城在掌詩賦不可

勝載順治間災知府龔鯤重建乾隆戊午知府程侯本知縣

吳飛九邑人繕上彩倡募重修

乾隆府志

按合沓與雲齊句乃謝元暉敬亭山詩通志以爲取唐李

白詩誤

南察院 府治西順治甲午宣城知縣王同春重建康熙九

年知府莊太宏修今廢

乾隆府志

勒詩石 古昭亭石坊左有大磐石姜安節題句隸書刻其

上曰足躡丹梯上身若碧落間天風響松頂心與白雲閒苔

紋剝蝕拂拭可讀

退思軒 在宅東北知縣李文敏建

丹梯亭 在七賢祠之旁康熙戊戌毀於蛟乾隆戊午邑人
詹上彩重建

理刑廳 康熙丁未奉裁

松筠閣 城西南閣對敬亭松竹環繞邑人阮爾詢孫卓耿
世際詹日懷袁保魯等會文於此號松筠八子梓有松筠閣
課藝

培風閣 在謠峰閣帝廟前郡丞鄭載颺建南數十步有月
臺卽今悠然亭

待仙洞 坐吉山南數里石埂之陰寬厰可列坐數十人古

有僧誦經於此秀水張雖敬邑孝廉梅以燕有詩

懷謝亭 在正心樓後康熙己卯太守修鸚彩建

晚翠軒 在北樓西郡守張雲翰建後修賦偉植枇杷成陰
與同人倡和有詩勒石旁有池亭桐柳交陰大司寇胡荅山
題曰柳風桐月之軒

三鑒堂 晚翠軒前郡守修賦偉修院有老梅嘗與同人觴
梅聯句前又建待高軒以禮士

柳幢 與懷謝亭接北向臨池隔岸有高柳數十株故名太
守修賦偉葺深柳軒以處賓客頗幽勝戊戌夏汜於水

穿雲亭 在敬亭山腰乾隆戊午知府程侯本邑人簷上彩

建以上乾隆府志

進水斗門在南門內吳家村右廂建莫考年久湮滅嘉慶九

年里人捐資復濬得之有知縣嚴克任碑示永禁阻塞採訪

更鼓樓 在府治東首宣城縣志按更鼓樓即譙樓詳官署門

南陵縣

周鵲洲按舊府志作鵲江今从通典改正

左傳云昭公五年楚敗吳於鵲岸

卽此也通典杜注廬江舒縣有鵲尾渚一日繁昌鵲頭三山鵲

尾統稱鵲岸乾隆府志

按元和郡縣志有鵲頭鎮云在縣西一百十里亦引春秋

事證之又云沿河八十里有鵲尾洲吳時屯兵處今攷杜

注云在舒縣以此爲縣西百一十里固不能逾江至舒也
蓋鵲尾洲有八十里其爲地最廣則江以南亦自有名鵲
洲在南陵縣者

顏淵洞

在縣南賞溪

輿地紀勝

漢宣城故城

在縣東四十里青弋江上漢置後漢省建安三

年孫策平定宣城以東二十年孫權使蔣欽屯宣城皆卽故

城也晉太康二年於宛陵縣置宣城郡復置宣城縣屬焉隋

初改宛陵縣爲宣城而故城遂廢章懷太子曰宣城故城在

今宣州南陵縣東

大清一統志

青陽城

卽今南陵縣治梁置南陵縣在今繁昌縣界唐初

移今治

大清一統志

宣州南陵舊治赭圻城長安四年移理青陽

城

舊唐書地理志

當塗廢縣

南陵有漢當塗縣故城在東南

通典

在南陵縣北

漢縣也晉成帝時以流民僑置屬淮南郡宋齊以後因之隋

平陳移治姑孰而廢故縣入宣城

大清一統志

按續漢書郡國志當塗屬九江郡知漢以前當塗皆在江

北此廢縣非漢縣明矣攷元和郡縣志晉成帝時以江北

之當塗縣流人過江在于湖者僑立爲當塗縣後屬宣州

則此實晉之僑縣不得稱漢縣也李賢注後漢書亦誤以

晉僑置縣爲漢縣

春穀故城 在縣西一百五十里 元和郡縣志 今繁昌之移

風鄉春穀本漢縣晉武帝改為陽穀安帝并陽穀入蕪湖縣

遂廢繁昌志又云在蕪湖之陶辛圩 乾隆府志

孫吳甘公城

按輿地紀勝嘉靖府志作甘羅城

在南陵北七里一名甘公城城

甃甃其堅繚以漳水可容數千人 輿地紀勝 相傳吳將甘寧嘗屯

于此俗謠為甘羅城名勝志甘公城甃甃甚堅繚以漳水可

容千人有甘公廟門址畧存 大清舊經云甘公蓋甘卓本

傳不載嘗仕春穀寰宇記及舊經皆載其名 嘉靖府志

按此城得名舊說不一其謂秦甘羅者固俗謠傳即謂吳

將甘寧說亦未確攷三國吳志甘寧傳拜西陵太守領陽

新下雉二縣後從攻皖爲升城督迹其所歷未必有屯宣
城事惟晉書甘卓傳云丹陽人授歷陽內史拜豫章太守
所居皆近宣州雖無爲宣州內史事或曾在此築城差爲
可據但嘉靖志又云襄宇記舊經皆載其名今攷襄宇記
並無載甘公名處不知何本

赭圻城

按襄宇記城作屯

在縣西北一百三十里西臨大江吳所

置赭圻屯處也晉哀帝時桓溫領揚州牧入朝參政自荊州
還至赭圻詔止之遂城赭圻鎮焉後城被火災乃移鎮姑孰

元和

和郡縣志輿地紀勝

晉戰馬圻

在江中本名孤圻昔晉桓溫舉兵東下住此圻中

青島驚溫謂官軍圍之既而定羣鳥驚噪俗因曰戰鳥通典

按元和郡縣志寰宇記載戰鳥山與此同惟云賊謂官軍已至一時驚潰因以爲名稍有異耳

葛洪井 在南陵縣西寶勝院側遺甃在焉按洪仕晉爲著作郎後爲勾漏令入羅浮山世傳此井爲洪煉丹取汲之處

輿地紀勝

丹井 朗陵山南相傳晉朗陵侯何琦辟穀煉丹處乾隆府志

唐五松山 銅井西五里有古精舍訪之土人五松卽繁之五

峯唐李白詩云徵古絕遺老因名五松山又云要須迴舞袖拂盡五松山繁邑向隸南陵固非銅之五松也繁邑志

梅根監 在縣西一百三十五里梅根井宛陵監每歲共鑄

錢五萬貫

元和郡縣志

石錄場

舊志錄作碌

於仁義鄉析置法門石錄兩場以別徵攝

自後法門於義安縣又析義安入銅官治爲銅官場今銅官

爲銅陵石錄爲繁昌縣皆此邑之地也

太平寰宇記

唐廢繁昌縣

爲石碌場攷本草空青下有銅重則生綠青衍義云卽石碌

也圖經云綠青今謂之石碌夏之符有贊

乾鑿府志

大農陂 積水溉田千頃廢不治唐攝縣事范傳真修復章

灌有記

同上

狐相門 在縣東南俗傳唐令狐相公故居也門側有狐公

塘孤公廟今廢或云舊湖湘門也傳者訛爾

洪武宣
城志

新酒坊

李白寓飲之所白鑿井尙存按其地當在銅官山

醉後絕句云我愛銅官山千年未擬還要須迴舞袖拂盡五

松山注唐宣州南陵縣銅官山隸其地

康熙
府志

龍堂精舍

在五松山李白與南陵常贊府遊五松山詩有

龍堂若可憇吾欲歸精脩之句註云銅井西五里有古精舍

同上

謝家池

安賢寺側昔人遊咏之所杜牧之有詩李白游謝

氏山亭亦卽此地今池廢爲田

同上

羅隱宅

在南陵縣七十里旁有井及祠堂俗號羅家廟又

有羅隱墓見後

輿地紀勝

孔子書堂

按舊志皆作孔子書院今从洪武宣城志改正

在縣南六十里舊經引

孔子爲言蓋側近有孔荷村意者乃孔姓人居此後人好事

因借吾夫子以爲重耳

洪武宣

在呂山下舊傳孔子之楚道

此疑不足據

康熙府志

按書院之名起於唐時宋興之初天下有四大書院則此

書院之建應在唐以後前志云孔子道此究何所據惟洪

武志作書堂以爲因孔荷村得名良是今特從之

宋 蟹堂書院

縣西二里宋熙寧學士徐元功建延師訓鄉子

弟故名

康熙府志

勅書樓 在縣治前

洪武宣
政志

宣詔亭 在縣左

同上

敬臨堂 縣治西知縣郭堯建諫議大夫謝謬記

同上

高爽榭 在南陵縣治內登之可望四面山故名

大清
統志

玩芳亭

寄息亭

清妍閣 並縣後園知縣郭堯建

以上苑
隆府志

明龍池 工山之西峯舊名龍湫池旁有龍池菴早禱即應

康熙

府志

後樂亭 縣後園成化中縣丞謝文祥建

稅課司 籍山橋東正德間裁

思補軒 縣宅右嘉靖中知縣錢照建

一中亭 知縣邵永春建今亭廢石坊存有陵陽水口孔顏

樂處八字

祖饒亭 北門外知縣林鳴盛建

望華樓 縣署後知縣沈堯中建康熙間知縣屈升瀛重建

白鵲樓 縣治南萬厓乙酉白鵲飛集知縣沈堯中立扁久

圯康熙庚戌知縣屈升瀛重建更名正明樓

醴泉亭 縣東南建以覆井知縣沈堯中脩扁曰醴泉

甘雨亭 知縣朱朝望建順治十一年知縣楊必達脩

以上
乾隆

府志

馬踏石

在平山之陽其石至今猶有馬蹄跡在

府志

石魚

北門外新建龍會橋之南俗稱蕭家嘴水中一洲有

石如魚縣治東南二水俱會此縈紆盤繞顧而復流識云石

魚游中流科第永不休

同上

半間亭

縣治內多名人題咏

採訪冊

涇縣

漢涇縣故城

在涇縣西漢置後漢建安三年孫策攻劉繇平

定宣城以東繇將太史慈因自蕪湖進往涇縣立屯府晉咸
和中蘇峻之亂內史桓彝退屯涇縣隋大業末邑人左難當

據縣唐武德三年歸唐尋授歙州刺史八年州廢仍屬宣州

大清統志涇縣東北至州一百五里元和志歙州城在縣西三十

里大寧山前州廢後移治賞溪之西有城周一百二十八步

宋崇寧間賞溪東徙城爲所圯嘉靖三年移於東溪去舊治

二里地名畱村元至元十三年又徙於舊治東門敬天坊卽

今治也縣志

琴高臺按嘉定志臺作堂

在涇縣東北二十里有煉丹處別有嵩

名隱雨俗傳琴高公控鯉上昇之地李白詩云相招琴高飲

又云赤鯉湧琴高輿地紀勝在琴高山巔山高百餘丈有煉丹遺

跡詳載叙神僊嘉定志按列仙傳云琴高者趙人也以鼓琴

城志

爲宋康王舍人行消彭之術浮游冀州涿郡間二百餘年後
辭入涿水中取龍子與弟子期至日皆潔齋候於水旁設祠
屋果乘赤鯉來出祠中有萬人觀之留一月餘後入水去不
知何爲僊蹤在此或云琴高蘇耽也以其好彈琴高目之其
山有蘇耽煉丹洞山足有隱雨巖懸崖峭壁上薄雲漢古木
脩篁掩映其間流淌游溪真僊隱之所也蔣石丞之奇詩云
未至涇川十里餘嶄然崖石翠淩虛自慚不足神仙骨空羨
琴高控鯉魚郡守光祿卿余良肱和云山形江嶽共紆餘潦
退秋潭澈底虛控鯉僊人無復見春來猶有藥潭魚元都官
積和云雲歛塵霾春雨餘寒溪清淺水涵虛真僊已上青霄

去空使時人羨鯉魚

涇川志

按涇川志以琴高趙人不宜畱蹤涇縣而遂以蘇耽當之則益非是攷洞仙傳云蘇耽者桂陽人也少以至孝著稱母食欲得魚羹耽出湖州市買去家二千四百里俄頃便返耽叔父爲州吏於市見耽因書還家家人大驚耽後白母耽受命應仙方違遠供養以兩盤畱家中若需食即小盤欲得錢帛扣大盤是所需皆立至鄉里共怪其如此白官遣吏檢盤無物而耽母用之如神先是耽初去時云今年大疫死者畧半家中井水飲之無恙果如所言闔門元吉母年踰百歲終聞山上有入哭聲服除乃止百姓爲之

立祠此事太平廣記引之又引神仙傳蘇仙公事大意相
同謂卽桂陽之蘇耽也并無好彈琴乘赤鯉事安得以琴
高附會之且謂琴高趙人與涇相遠爲可疑而蘇耽桂陽
人寧與涇近而可信乎乃知或以蘇耽爲琴高者益爲無
據

真君煉丹井 在縣南承流山昔許寶二真君在上煉丹今
有丹竈猶存

洪武宣
城志

元虛洞 承流山畔僊人竇子明辟殺處醺壇丹竈存焉山
後有避兵洞

乾隆
府志

孫吳勇里一名東山戰場 在涇縣西北後漢建安中太史慈

據涇縣孫策擒之於勇里

大清一統志

東山戰場在縣東三里

漢建安三年孫策擒太史慈於涇之勇里卽此

涇縣錢志

按一統志謂勇里在縣西北而府志縣志皆作東山戰場遂謂在縣東耳其實一事一地也

安吳故城

按江南通志作吳故城舊府志縣志作安吳城

在涇縣西南三國吳置

屬宣城郡晉以後因之梁大寶初宣城内史楊白華不附侯

景進據安吳隋縣廢唐武德三年復置屬猷州八年復廢舊

志故城在縣西南五十里藍山南今有安吳市及安吳渡又

旌德縣北三十五里有古城俗呼沙城卽古安吳城或謂唐

初所改置也

大清一統志

吳故城在涇縣西南五十里落星潭東

俗稱沙城江南通志安吳城縣西五十里大藍山南晉書太康二

年置水經注太康元年分宛陵置宋書及旌德志俱吳置乾

隆三年掘得古碑字多磨滅而赤烏三年字蹟猶可辨當係

吳置城據涇上游梁宣城內史楊白華據以抗侯景兵今其

地有舊城隍祠安吳市安吳渡操軍坦鼓樓墩縣志作學跡坦

諸故蹟乾隆府志

晉桓公城 在涇縣東四十里烏溪嶺晉咸和中桓彝所築大

清一統志蘇峻寇江東桓簡公嘗築城於此以拒之故名桓公城

其地最高而平四圍皆水如濠塹然水外皆山實形勝之地

也洪武宣城志鄉民就立湖山行祠奉祀涇川志晉內史禦蘇峻之

亂屯經遣俞縱守蘭石卽此一統志載入旌德誤

康熙府志

按乾隆府志云明一統志在旌德北五十里地名蘭石省志云在縣東六十里桓公嶺西均誤則知載入旌德之誤爲明一統志也但此云省志亦誤今攷江南通志所載與大清一統志畧同並無縣東六十里之說乃知所謂省志亦舊省志也

桓公磴

在劉遺民釣臺之側桓公拜宣城內史嘗憩於此

石

洪武宣
城志

後召還宣城郡時人因目爲桓公磴郡守葉內翰

清臣詩云名邦有良吏流惠沾民禱笛鉅弭牒訢林泉駐旌旗朝來曲肱飲暮人專城居于今人愛磴還訂甘棠廬

涇川志

戰坦 在縣西安吳舊縣之南距戰坦二里許有洗刀坑桓

彝與韓晃接戰處由安吳縣而上有落馬潭相傳韓戰北落

馬於此故名

乾隆府志

蘭石 在涇縣東七十里下臨藤溪通鑑晉桓彝遣將軍俞

縱守蘭石卽此又有俞將軍走馬城在縣南四十里是其屯

戍處

大清一統志

走馬城 在涇縣南四十里晉桓彝將俞縱屯兵處又有蘭

石在縣東六十里桓公嶺西桓彝使俞縱守蘭石卽此

江南通志

走馬城縣東四十里今哨臺猶存舊志謂在縣南誤

乾隆府志

落馬潭 在縣南四十里吳村桓簡公征戰回有一馬墮潭

中因名

洪武宣
城志

按乾隆府志附見戰坦下謂戰北落馬與此少異

洗刀坑 在縣南五十里蕭村桓簡公征戰到此刷洗兵刀

因名

同上

寨壇基 在縣南七十里其寨元置立小山頂上續因洪水

推蕩山路險峻巉巖祭祀者往來艱難遂烹鵝於山下祀之

其鵝死而復生飛至南容李村田下坡俗傳乃郭璞所獻地

里人卽其處立壇祭祀甚有靈感里正晦朔日祭于壇焚蠟

飛向東南去者其月必吉向西北去者其月必凶郭璞有詩

曰南容一片地拉搭似牛皮若人得過者世代掛耕衣蓋爲

此也

涇川志

僊人臺

在涇縣湧溪石網坑孤峯特立絕頂上有石臺

地

正勝

在湧溪絕頂上有石臺父老相傳云昔葛仙翁煉丹於此

洪武宣

在湧溪石網坑溪流環繞中一孤峯特立崖石峻險

於絕頂山有石臺然人之蹟所不能及故其遺蹟莫詳焉

涇川志

葛仙翁煉丹井

按府志皆作葛洪丹井

在寶勝寺南井泉清冽仙翁

卽晉之葛洪稚川也棄官煉丹此地後入羅浮山不知所終

洪武宣

井泉清冽甘香可愛昔翁仕晉爲著作郎後爲勾漏

令著書百卷棄官煉丹此地舊寺僧嘗爲亭以覆之設井

輓輶以取汲今蕪廢不復浚治但古幾尚存

涇川志

按輿地紀勝載葛洪井在南陵縣其事蹟亦與此同今兩存之

落星石

按嘉靖志石作潭

在縣之南四十里花林

晉時陳霸兄

弟二人在船上捕魚夢見一星落於潭中因此號爲落星潭

洪武宣

石壁上有龜形昔縣尉劉公詎寓於此潭見金龜在

石嘗欲鑿而取之今有形跡猶存在藍山下翰林李太白曾

遊詠詩曰藍岑聳天壁突兀如鯨額奔蹙橫澄潭勢吞落星

石潭在大溪中與溪流混而爲一但差深爾翰林遊而樂之

與何判官有結茅煉金液之約然不能踐也

涇川志

在安吳舊

縣西卽水經注落星山其左還岸懸瀨注窮坎之下石骨眠
亘潭底爲嵒爲嶼爲石笋林立中座雪鯉曰雪花魚嚴冬雪
霽漁人於石罅網得之味似江鮮峻絕處產異草如卷柏而
小四時蒼翠曰萬年松乾曜府志一名龍谷石嵒若龍首日有氣
從口出昔李白泊舟踞坐石上期結茅焉卽是處也後郡守

羅汝芳更名起星刻詩於上

涇縣志

劉遺民釣臺 在縣西三里今白雲寺前水畔有釣磯存焉

嘉定宣
城志

釣臺在涇水西岸湖山下遺民卽東晉高士也

郡縣志

在賞溪西岸白雲潭之上遺民蓋晉隱君子卽與陶淵明慧
遠宗雷陸脩靜輩十八人廬山結白蓮社者嘗爲柴桑令其

後棄官漁釣於此

洪武宜城志

臺又名歸然下臨潭水深不可測

清澈見底魚鱗所聚古今名公多有題詠每秋高春媚煙朝月夕則浮光躍金靜影澄壁漁舟客艇往來其間風物如畫實爲勝概郡守葉內翰清臣有詩云雲巖俯穹石下瞰清溪流釋縲州縣職寄情江漢遊宗雷結良社嚴呂希前儔秋風綠篠媚魚驚遊避釣蔣右丞之奇詩云最愛先生臥白雲一竿來此釣江鱗我今不學蠡溪叟待作宗雷社裡人邵守光祿卿余良肱和云先生高誼薄浮雲薄宦應同涸轍鱗盡日持竿釣臺上此心寧是羨魚人元都官植中和云石轉磯頭癡虎倨風吹水面老龍鱗古今不下先生意多少溪邊擲釣

人太史章詩云雨笠煙簑細葛巾持竿不識白蓮人當時若

得文王獵涇水還同渭水濱涇川志按晉陶淵明與周續之劉

遺民同隱于廬山曰潯陽三隱未聞其至涇釣隱相傳已久

姑存之涇縣志

蕭齊淳于芬故居按府志居作宅在涇縣西五里今為興教院清一大

統志縣西五里芬南齊明帝時相國捨宅為寺名凌巖寺後為

興教院有清湍涼風迴溪諸亭閣稱水西名勝乾隆府志

隋汪公柵安吳縣西隋大業間汪華拒賊屯此今地名寨口

乾隆府志

幟山軍壘縣東北三里左難當拒輔公祏故壘未泯同上

白龜城

按洪武志城作穴

在縣東北三十里柏山之側昔有白龜

履雪而東因名之

洪武志城志

武德初置南徐州改猷州以龜止

之處築城以居之後爲宣城郡遂尚龜形以築府城因曰

白龜城

嘉定宣城志

隋大業十年盜賊羣起武德初置南徐州總

管後改爲猷州總管以龜止之所築城而居之以趙郡王孝

恭爲副元帥十一年賊平州廢後屬宣郡俗因謂之白龜城

經川

在涇縣東北柏山隋末左難當所築

大清一統志

左難當欲

築城拒輔公祏會溽暑大雪有白龜印雪周行隨跡築城故

名

江南通志

按柏山前臨大溪高數十丈岸有石壘橫亘二三十

丈上皆窾窠中一巨石約二三丈昂起如龜頭足畢具今山

下故城遺址猶存其下潭名龜潭又山經白龜嶺而來當時
依山設險或以此命名如舊志祝雪印雪海暑大雪等說謬
妄未可信又載昔宣城未建卜其此地偶役者揮石而破白
龜之首流血滿溪遂名港為紅子港灘曰赤灘龜行至宛水
而止定為州基故宣城曰白龜城語亦荒誕

涇縣志

唐猷州城

在涇縣西三十里今大寧寺也

輿地紀勝

武德三年以

涇縣置南徐州尋更名猷州

唐書地理志

武德中置猷州州城於

此

嘉定宣州志

初以縣置南徐州更名猷州今廢明一統志載城

在石埭縣以晉涇縣石埭同隸宣城郡故孔穎達有建州城

碑記

乾隆府志

李長史宅

在畱村卽今縣治

涇縣志

按唐陳簡甫開元以來良吏記長史名孝傳自太平長遷於涇後卒於涇而家因寓焉

萬家樓

在桃花潭側相傳李白慕萬家酒樓來此村人汪

倫嘗醞美酒以待之今廢

涇縣志

墨玉墩

在桃花潭上相對爲彩虹岡唐李白與萬巨汪倫

遊吟處

乾涇府志

桃花潭

在西南物象幽奇花卉芬馥好奇之士多遊其間

唐李白放逸江湖愛玩此地邑人汪倫遇之甚厚

漢武宣城志

涇灘

縣西九十里唐李白有詩

東熙府志

汪倫宅 在桃花潭上李白有詩

乾隆府志

萬巨宅 在萬村渡西唐盧綸韓翃並有詩

同上

放歌臺 縣西五十里藍山爲李白放歌處臺石方竦俯臨絕澗瀑布飛流水經注安吳縣南落星山有懸水五十餘丈卽此下曰活潑灘灘石嵌空有井三深廣如罌曰煉丹井臺左刻石云天寶十五載三月李白偕汪倫寺僧數字餘磨滅不辨

同上

麻溪渡 去縣百里在縣直南山水之勝殆甲江左自萬家樓沂流而上三十里方抵麻口自太平石埭沿流而下六十里方至麻溪山環水會自是一洞天唐李白杜荀鶴皆曾遊

此杜詩云兩岸山相向三春鳥亂啼李詩云舟人與漁人撐
折萬張篙建炎初天寧寺主僧慧日同圓通寺主僧清止避
地結茅茲山二十餘年月有詩曰溪遶茅堂山遶溪溪山深
處是真棲山人若問西來意雲自高飛鳥自啼止亦有詩云
江南江北正干戈茅屋深遷入薜蘿夢幻利名知險惡虛舟
身世若風波石門路險交遊少竹塢雲深符蕨多閑裡打閑
誰似我千巖春色一聲歌又有汪寺丞畱詩曰麻溪渡口古
灘頭萬疊青山遶四周地僻鼎分三縣界淵澄輻輳兩川流
客棹時下佗山木漁槳偏歸暮雨舟寂寞一年曾再到可憐

異代謫仙游

涇川志

踏歌岸閣

在桃花潭上卽汪倫送太白處

涇縣志

磨崖碑

在縣西石籠洪頭山石植立如墻堵歲久字泯僅

觀髮髯曰巍巍法字聖德靈奇天僊作樂神人護持又曰倚

歟居士博大能洽跡晦巖泉情存佛法又曰挾黃鶴僊帶白

龍水清靜妙地虛空至理後記曰唐天寶十四載歲次癸巳

四月壬申朔

嘉定志作壬寅从諸本改

二十八日

嘉定志作二十四日誤从諸本改

己亥

午時刻石餘不可考

嘉定志

在縣西七十八里石籠洪頭山

上有碑石立如墻堵乃山之活石也歲月深遠石長字泯銘

記不可全考

洪武宣

磨崖碑有五一在琴高臺巔古刻磨滅

不可復辨宋蔣之奇叙畧曰子遊涇川過琴溪浮舟釣臺道

旁見石崖蒼蒼上摩穹旻意其下必有瓊觀焉旣還自水西
涇令陳中裕餞于巖磯寺尉劉公曼云向所觀石崖古刻尙
在乃唐元宗開元甲子河間邢巨沛國武平一嘗遊是溪題
絕句其下又刻一長編尤雅澹有清思姓氏湮沒其序云二
十二年予自桂史謫掾宣城明年九月連率班公景倩讀其
詩有云忽覩邢武辭聆其金石備以詩序攷之蓋後邢武一
紀而來疑卽杜偉也一在縣東四十里硃砂山相對之慈音
洞左爲宋尙書郭夔鑿石開道處宋郭夔記云硃砂山上成
絕壁下瞰長溪山腰蹊逕突兀崎嶇憧憧率由乎是危行深
涉之病蓋亘古已然余切憮念焉于是爲之鳩工聚衆鐫鑿

其突兀芟夷其嶮嶮削平發砌跨一橋以濟二水俾行者無
昔時之苦役費雖不貲荷鄉里相協贊不日而成豈斯道之
合坦履於今日乎竣事之後因識歲月於道左宋端平二年
邑人郭燮記一在縣西南九十里石門宋隱士徐時鑄詩於
上云山中薄業有萊田出入於茲五十年夾徑兩崖幾蜀道
沿流十度異貪泉鹿門莫遂平生願屐齒常爲險阻穿晚卜
一邱旗嶺上桐川風月爲留連自註蜀都賦緣以劍閣阻以
石門石門瞿塘兩崖也廣州東二十里地名石門有貪泉飲
者多無厭之欲晉吳隱之有詩諷之云爲宋淳熙己卯記一
在縣西一百里石柱山觀音巖峭壁插天平削如砥乾隆十

八年正月崖崩碑露其字半浸漶可讀者二十八字文曰時
丁丑紹興二十七年十二月記口口口鑿險崖取平路往來
人宜口顧舉口口口全體露一在縣西八十里石礮洪頭山
有巨石屹立如堵字多剝蝕其可辨者七十三字文曰魏巍
法字云云

涇縣志

東峯亭

在劉遺民釣臺之北唐永泰中李

按涇縣志廣琛作季下同

將兵討石埭寇方清時幕客劉太真崔何王偉郭瞻蘇寓陸

渭皆從李宴亭上適前鋒告捷遂各賦詩而太真爲之序刻

石存焉

嘉定直隸志

在白雲寺白普相傳相國淳于恭

按原書作亮誤今改

正送客之所也唐永泰元年二月江西帥御史中丞李廣琛

嘗至涇水於舊址敖亭明年秋中丞袁修招討江淮回軍屯

涇命賓僚宴亭上賦時紀事今石刻存焉後人更名李公亭

古今名賢詩文頗多錄於別卷亭久廢

洪武宣
城志

按諸舊志及詩俱爲袁修有石埭之捷與從官劉太真等

賦詩刻石紀其事而袁公與崔王諸人唱和之作具在是

敖亭者李公而與賓僚賦詩者袁公也嘉定志以爲皆李

公事疑誤

鄭少府謬宅

在水西

涇縣志

清居臺

在水西唐魏瓘有詩

乾隆
府志

榮公樓

在水西唐杜牧有詩

同上

杜牧嘗爲宣武城幕游

涇溪水西寺畱二小詩其一云李白題詩水西寺古木回廊
樓閣風此詩今載集中其一云含情碧溪水重上梁公樓此
詩今榜壁閒而集中不載乃知前人好句零落多矣

竹坡詩話

伏虎神師石

按縣志神作禪

在白雲寺後昔師開櫟山時所往來

虎跡石也

洪武宣城志

寺蓋其開山也昔師嘗同時開櫟山道場

即今大寧寺兩地相去幾三千里師嘗乘虎往來晨食白雲
寺午食大寧寺蓋其道行靈異云今虎跡石及隱塔見在寺
後又湖嶺山有獅往來櫟山中途憩息之所在焉

涇川志

磨箭石

在丁溪戰嶺上有磨箭痕拭去復見又慈坑有石

亦名磨箭

涇縣志

仙鼓石 在縣東余冲有石平鋪土而擊之有聲如鼓相傳

有仙擊石歌嘯於此今石上足跡宛然

同

血嶺 在縣西北七十里昔黃巢作亂有保聚於山者日章

公寨與賊爭戰血流山谷因以爲名

洪武宣城志

裴相公巖 在縣南七十里父老相傳乃裴休隱居之所也

同昔嘗有人於其所得斷殘戟至今天色陰晦有音樂鼓吹

聲

涇川志

羅家宅 按江南通志作羅隱墅舊府志告作羅公宅

在小溪上羅隱嘗居於此

有羅隱祠堂居民呼爲羅家廟惜其無碑記可考又不知羅

因何卜居於此也

洪武宣城志

羅家宅在地名小溪溪行兩山間

居民皆依山而種植父老相傳云昔羅隱嘗居於此今遺址及井見存地雖深僻然山川環遶亦幽居之勝

涇川志

按輿地紀勝以羅隱宅及羅隱墓皆云在南陵縣而舊府志諸書俱改載入涇縣或境地相接今昔疆域畧有變易以致不同耳今仍兩存之

南唐齊雲亭

縣廳後南唐保大中建

乾隆府志

乘山塔 縣東七十里報恩寺後五代時馮述建相傳塔成後忽夜半風雷塔移至太平縣麻陂潭僅存半塔今潯淨潭清塔頂猶見水中

同上

洪倚書故宅

按江南通志作洪永章宅

在舉山下有荒基遺蹟

洪武宜城志

其遺址甚廣袁父老相傳無所依據廉訪得其話勅於煨燼之餘其可見者云銀青光祿大夫兼兵部尚書兼上柱國賜紫金魚袋洪允章勅久列偏裨備彰忠自此以後皆闕惜乎無歲月可考時代疑是五代之際雄霸此地朝廷亦資其捍禦故有是命且云國朝混一江南亦嘗宣召而辭疾不起

志

宋賓月閣

在縣治東

輿地紀勝

秋霜閣

崇慶寺後居兩山之間中有澗水清冷逼人遇雨

則瀑布飛流唐李白詩有五月思貂裘謂言秋霜落之句故

名閣前有濺玉亭

康熙府志

後有雲錦堂橫跨兩山廊廡皆爲閣

道乾隆府志

澆玉亭 在涇縣亭跨洞水每遇雨則懸崖瀑布作聲輿地紀勝

傾要亭 在水西劉遺民釣臺側邑人池倅汪琛建今廢涇縣志

志

迴波亭 與傾要亭相近今廢同上

風玉亭 在涇縣侍郎陳天麟建輿地紀勝

侍郎凌策宅 在畱村或曰在縣南七十里凌家灣涇縣志

御史劉琦宅 在畱村今為縣治同上

大寧院塔 縣西三十里大寧寺前寺講為猷州城址宋慶

厯間悟公建乾隆府志

銅峯塔 縣西八十里銅峯寺左宋武帝時建今僅存半面

塔碑石大楓十丈餘相傳爲天寶間物

同上

水西塔 有二一名崇寧塔存寶勝寺側大觀二年建一在

崇慶寺左紹興中建

同上

碧蓮池 在妙峯菴

同上

珍珠泉 在妙峯菴

同上

子瞻石 在妙峯菴

同上

藏春洞 在妙峯菴宋石禪師有賦石洞二詩

同上

風光閣 在涇縣西賞溪上舊有亭宋紹興中縣令魏杞改

建閣取風光水西之句名之後爲水囓移縣治左

江南通志

迴瀾閣 迴瀾涼風二閣清滿亭俱在水西精舍前取李白

詩語名之今並廢涇縣志

渡清閣 在縣西桃花潭東岍宋府教翟陽建久圯今重建

同上

蒸霞亭 在涇縣治輿地紀勝在舊縣圃宋魏杞建康熙府志在涇縣

北亭旁植桃唐韓愈詩種桃處處惟開花川原遠近蒸紅霞

後人取以名亭大清一統志

三友亭 縣治西宋翰林左秦成建嘗與邑中七賢游懋紹

定間知縣張賢之重脩有記康熙府志

義民書院 在縣西峩山宋進士文澄源洪源建乾隆府志

翠峯書屋 在縣南承流山下相傳宋吳潛吳淵讀書處

戲彩堂 在舊縣圃知縣王永建

同上

清白堂 在舊縣圃

同上

錦照堂 在舊縣圃

同上

凌風臺 當水西精舍前取李白凌風振寥廓之句今廢

縣志

志

和尚井 其穴深不過咫尺濶弗踰跬步水雖不溢旋取旋

湧千衆是給間或暫涸羣兒以石片隻扣口襪作鉦聲者未

幾泉出如初因以和尚名之

澤川志

去縣七十五里在小坑山

之下昔有一僧卓錫於此而泉湧出以故得名國朝己亥年

聞琴溪山麓為水蕩裂出一碑石上鐫云水從白額山前過

白屋兒郎盡挂緋姑錄於此倘俟來者考焉

洪武宜城志

石井 在縣南六十里方村之腰有一井若竅於石如窪尊

然其泉清激甘冷昔有神人過飲此泉今石上馬跡存焉

宣城志

志

清心軒 縣廳後

乾隆府志

希顏軒 景范軒俱縣廳東

同上

周公亭

按舊府志亭作臺

在涇縣東二十里地名洗馬澗下臨涇

溪昔周氏築亭於此石澗有石碑篆額存焉蔣穎叔嘗游訪

之

輿地紀勝

後人畱題絕句云人言周公來結宇不知建立何年

中換詞仍是謫御史受缺欲讀嗟難通

嘉定宣
城志

在石碑山有

石突峙水旁有碑篆額云周公亭其文字漫滅

唐
志

資溪樓

在涇縣治

輿地
紀勝

在縣治西務旁與水廳相對今廢

涇
志

森翠樓

在琴溪宋受了隱此文丞相守宣時過訪書名其

居今廢

同上

明放杖嶺

在縣南五十里鳳村父老相傳舊有一老人如仙

放杖少憩因以為名

洪武宣
城志

發運倉

明宣德年間凡天下租稅非通舟楫者悉令以貨

賄折納巡撫周忱以涇當徽郡六邑之衝請於朝建於南川

一里許以爲收發之所正統中知府袁旭改作公館乾隆府志

郊迎亭 縣東北成化中建同上

府館 縣治東北宏治間知府劉廷瓚建今廢同上

皇華館 縣東北同上

熙光亭 在水西書院後明督學洪毗建後圯

國朝知縣銀文燦重建今廢涇縣志

稅課局 縣治北正德間省

存留倉 縣南門外俗呼南倉明知縣胡永成建

濟農倉 在禮辭都

南倉 在茂林都

北倉 在泉北都

均役義倉 在禮辭都

響山亭 在縣西北五里明太守羅汝芳題曰山鳴谷應

乾隆府志

煙雨亭 在涇縣西寶勝寺前枕山向溪煙雲如畫

江南通志

建於明

國初邑令侯世淮重建尋圯康熙辛卯郡同知郭威釗復新之邑

人潘乘龍有記復圯乾隆二十年知縣王廷棟縣丞李兆鍾

邑庠生趙際飛貢生趙一廷重建

涇縣志

藍山書院 在聳壁寺左萬歷間水西講學諸先生建久圯

乾隆
府志

幕山塔

在小幕山今廢明翰林院修撰焦竑記

涇縣志

玉屏園

在桃花潭西玉屏山之巔明末萬應隆建

乾隆府志

國朝大觀亭

在小幙山巔魏憲有詩

見山亭

丞廳西

催課亭

在尉司

白鷺亭

資溪西濱

以上乾隆府志

釣隱臺

在桃花潭畔翟尚書故蹟今廢

涇縣志

勅書樓

縣園內

乾隆府志

清華閣

縣西二十里孤坑士人嘗陶於此

康熙府志

在縣北二

十里孤坑今廢或曰在柳湖堤上涇縣志

永月閣 縣圃內

挹爽閣 縣圃內

環壁閣 在尉司

畫簾館 縣東門

甘棠館 縣門西

迎詔館 縣署前

涇川館 禮資坊

三友館 市東

雙清堂 在尉司以上乾隆府志

龍蛻石 在縣東鼎陽洞側康熙戊戌雷雨中一龍從石罅

騰空今洞石龍跡宛然

涇縣志

附

馮唐宅

在涇縣東南四十里石鼓山

輿地紀勝

鄉老相傳云漢

馮唐宅嘗鳴鼓以集賓客故名石鼓山焦坑有馮唐廟卽石

鼓山之左

洪武宣

或云陳後主嘗擊此鼓號令師徒

涇川志

按漢書馮唐祖父趙人也父徙代漢興徙安陵則唐爲安

陵人何由在涇有宅集賓但舊志並載今亦仍之

甄塘

在縣治之南廣袤五十餘畝塘皆芙蓉世傳三國魏

文帝皇后甄氏出於此考之史傳后乃中山人但小說謂甄

塘有宣陽觀道士晨出見嬰兒卧於蓮葉上憐而取育於鄴
既長有顏色歸袁氏後魏文平鄴納之爲后

洪武宣
城志

在涇縣

南二里世傳魏甄后所生處

江南
通志

按三國魏志后中山無極人父逸上蔡令裴注引魏書曰
逸娶常山張氏生三男五女又云長女姜次脫次道次榮
次卽后后以漢光和五年十二月丁酉生本末詳備何緣
有在涇事舊志附會殊爲無稽